

# Grønlands tekniske Organisationi pillugu Inatsisartut peqqussutaannut Namminersorlutik Oqartussat inatsimmut nalunaarutaat

Matumuuna nalunaarutigineqarpoq Grønlands tekniske Organisationi pillugu Inatsisartut peqqussutaat nr. 8, 19. december 1986-imeersoq, misissueqqarnerit pillugu Inatsisartut peqqussutaat nr. 18, 28. oktober 1993-imeersoq, nukissamik pilersuineq pillugu Inatsisartut peqqussutaat Inatsisartut peqqussutaat nr. 14, 6. november 1997-imeersoq, Grønlands Tekniske Organisationi pillugu Inatsisartut peqqussutaata allangortinneqarneranik Inatsisartut peqqussutaat nr. 5, 29. oktober 1999-imeersoq, Grønlands tekniske Organisationi pillugu Inatsisartut peqqussutaata allangortinneqarneranik Inatsisartut peqqussutaat nr. 8, 21. maj 2002-meersoq, imermik pilersuineq pillugu Inatsisartut peqqussutaat nr. 10, 19. november 2007-imeersoq, Grønlands tekniske Organisationi pillugu Inatsisartut peqqussutaata allangortinneqarnissaa pillugu Inatsisartut inatsisaat nr. 21, 21. november 2022-meersoq aamma sanaartorneq pillugu Inatsisartut inatsisaata allangortinneqarnera aamma Grønlands tekniske Organisationi pillugu Inatsisartut peqqussutaata allangortinneqarnera pillugit Inatsisartut inatsisaat nr. 29, 13. juni 2023-meersoq malillugit allannguutit ilanngullugit.

## Kapitali 1

### *Pilersinnera siunertaalu*

§ 1. Kalaallit Nunaanni Namminersornerullutik Oqartussat Grønlands tekniske Organisationi, GTO, 1. januar 1987-imi tigussavaat.

§ 2. Nukissiorfiit ingerlatsiviuvoq Namminersornerullutik Oqartussat sinnerlugit, makkuninnga suliassaqartoq:

- 1) Namminersornerullutik Oqartussat illuliortiternermut pisorta qarfiannik ingerlatsineq, tassunga ilanngullugit ilaatigut inissaqartitsineq nerisaqartitsinerlu kiisalu biililiorfiit ingerlanneri aammalu umiarsualivinnik aserfallatsaaliuineq.
- 2) Namminersornerullutik Oqartussat umiatsialiorfiutaannik ingerlatsineq tassunga ilannguullugu suliffissuaqarnermik ingerlatsineq.
- 3) Kalaallit Nunaanni Nalunaarasuartaaserisoqarfimmik ingerlatsineq ilaatigut telefonikkut telexikkut qarasaasiatigullu atassuteqarneq ilanngullugit.
- 4) Narsarsuarmi Mittarfimmik ingerlatsineq.
- 5) Sanaartornermi illuliortiternermilu allaffeqarfik, tassunga ilaallutik pilersaarusiortarneq, sanaassanik titartaaneq, sanasussarsiuussisarneq nakkutilliinerlu.

6) Teknikkimut tunngasuni ilaatigut pilersaarusionermermi aaminalu pisortatut maleruagassiornermi siunnersuineq kiisalu nakkatigisassat ilaannik nakkutilliineq.

*Imm. 2.* Naalakkersuisut aalajangersinnaavaat Nukissiorfiit allanik suliaqarnissaa, imm. 1-imi taaneqartat saniatigut, imaluunniit aalajangersinnaallutik allat imm. 1-imi taaneqartunik suliassanik isumaginnissasut.

## **Kapitali 2**

### *Aaqqissuussineq, ingerlatsineq aqutsinerlu*

**§ 3.** Nukissiorfiit Namminersornerullutik Oqartussat ingerlassaattut aaqqissuussaassaaq qullersaqarfia Nuummi inissitaalluni.

*Imm. 2.* Nukissiorfiit siulersuisunit pingaarnertigut aqutsinermik isumaginnittuusunit, aammalu pisortamit ulluinnarni aqutsinermik isumaginnittuusumik aqunneqarpoq. Siulersuisut Naalakkersuisunit toqqarneqassapput. Pisortaq siulersuisunit inassuteqaammik piniareernermermi kingorna Naalakkersuisunit toqqarneqassaaq.

*Imm. 3.* Nukissiorfiit-mut ukiumut atugassiissutit Inatsisartut aningaasanut inatsisaatigut aalajangersarneqartassapput.

*Imm. 4.* Akit allanngortut allat atalinnginnerini Naalakkersuisunut akuerisassanngorlugit saqqummiunneqartassapput.

**§ 4.** Naalakkersuisut § 2-i imm. 1-imi taaneqartumik suliassat isumagineqarnissaat qulakkeerniarlugu Nukissiorfiit aaqqissugaaneranut, ingerlanneranut aqunneqarneranallu erseqqinnerusunik aalajangersagaliorsinnaapput.

**§ 5.** Atorunnaarsinneqassaaq.

## **Kapitali 3**

### *Ikaarsaariarnermi aalajangersakkat*

**§ 6.** Maannamut maleruagassat Kalaallit Nunaannut ministereqarfimmit GTO-millu suliassanut § 2, imm. 1-mi taaneqartunut aaqqissuussinerit atortuuginnassapput allanngortinneqarnissaasa imaluunniit atorunnaarsinneqarnissaasa tungaannut.

## **Kapitali 4**

### *Atulersitsinerup ullua*

**§ 7.** Inatsisartut peqqussutaat una 1. januar 1987-imi atulissaaq Kalaallit Nunaannut inatsisip innaallagissamut, imermut, kiassarnermullu, qatserisartoqarnermut, umiarsualivinuut, aqqusinernut, nalanaarasuartaaseriveqarnermut il.il. tunngasup folketingimit akuerineqarnissaa tunngavigalugu.

Inatsisartut peqqussutaat nr. 18, 28. oktober 1993-imeersoq<sup>[1]</sup> atuutilerneranut aalajangersakkanik makkuninnga imaqarpoq:

**§ 4.**

Inatsisartut peqqussutaat 1. novembarip 1-anni 1993-imi atuutilissaaq.

---

Nukissamik pilersuineq pillugu Inatsisartut peqqussutaat nr. 14, 6. november 1997-imeersoq<sup>[2]</sup> atuutilerneranut aalajangersakkanik makkuninnga imaqarpoq:

**§ 26.**

Inatsisartut peqqussutaat manna 1. januar 1998-imi atuutilerpoq.

Grønlands Tekniske Organisationi pillugu Inatsisartut peqqussutaata allangortinneqarneranik Inatsisartut peqqussutaat nr. 5, 29. oktober 1999-imeersoq<sup>[3]</sup> atuutilerneranut aalajangersakkanik makkuninnga imaqarpoq:

**§ 2**

Inatsisartut peqqussutaat 1. december 1999 atuutilerpoq.

---

Grønlands tekniske Organisationi pillugu Inatsisartut peqqussutaata allangortinneqarneranik Inatsisartut peqqussutaat nr. 6, 21. maj 2002-meersoq (Sulinermi periaatsip allangortinneqarnissaanut akuersissutigineqarnissaa erngup akiinut)<sup>[4]</sup> atuutilerneranut aalajangersakkanik makkuninnga imaqarpoq:

**§ 2**

Inatsisartut peqqussutaat una ulloq 1. juli 2002 atuutilerpoq.

---

Imermik pilersuineq pillugu Inatsisartut peqqussutaat nr. 10, 19. november 2007-imeersoq<sup>[5]</sup> atuutilerneranut aalajangersakkanik makkuninnga imaqarpoq:

**§ 16.**

Inatsisartut peqqussutaat manna 1. januaar 2008-mi atuutilissaaq.

---

Grønlands tekniske Organisationi pillugu Inatsisartut peqqussutaata allanngortinneqarnissaa pillugu Inatsisartut inatsisaat nr. 21, 21. november 2022-meersoq (Nukissiorfinnut siulersuisunik pilersitsineq)<sup>[6]</sup> atuutilerneranut aalajangersakkanik makkuninnga imaqarpoq:

## § 2

Inatsisartut inatsisaat ulloq 1. januar 2023 atuutilerpoq.

---

Sanaartorneq pillugu Inatsisartut inatsisaata allanngortinneqarnera aamma Grønlands tekniske Organisationi pillugu Inatsisartut peqqussutaata allanngortinneqarnera pillugit Inatsisartut inatsisaat nr. 29, 13. juni 2023-meersoq (Sanaartukkani piusuni nukimmik sipaarniarluni aqqissuussinerit kiisalu nuna tamakkerlugu Illuutunik Inissianillu Nalunaarsuiffimmik IIN-imik pilersitsinissamut Naalakkersuisunut piginnaatitsisut)<sup>[7]</sup> atuutilerneranut aalajangersakkanik makkuninnga imaqarpoq:

## § 3

Inatsisartut inatsisaat manna 2023-mi juulip aallaqqaataani atuutilissaaq.

*Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Nakugiissitaanermullu Naalakkersuisoqarfik, ulloq 28. oktober 2025*

**Jørgen Hammeken-Holm (atsior.)**

Naalakkersuisoqarfimmi Pisortaq

/Ane Wraae Nielsen (atsior.)

[1] (Inatsisip allanngortinneqarnerani § 2, imm. 1, nr. 6 aamma 8 atorunnaarsinneqarput)

[2] (Inatsisip allanngortinneqarnerani § 3, imm. 4 atorunnaarsinneqarpoq)

[3] (Inatsisip allanngortinneqarnera § 3, imm. 4-mut tunngassuteqarpoq)

[4] (Inatsisip allanngortinneqarnerani § 3, imm. 4 atorunnaarsinneqarpoq, tamatumalu kingorna imm. 5 im. 4-nngorpoq)

[5] (Inatsisip allanngortinneqarnerani § 2, imm. 1, nr. 1 atorunnaarsinneqarpoq)

[6] (Inatsisip allanngortinneqarnerani § 3, imm. 2-mut tunngassuteqarpoq aammalu Inatsisartut peqqussutaanni tamarmi "Naalakkersuisut" uunga "Naalakkersuisut", "Namminersornerullutik Oqartussat" uunga "Namminersorlutik Oqartussat", "Namminersornerullutik Oqartussat suliffeqarfiat" uunga "Namminersorlutik Oqartussat suliffeqarfiat" aamma "Inatsisartut" uunga "Inatsisartut" allanngortinneqarput. Aammattaaq §§ 2-mi, 3-mi aamma 4-mi "GTO" uunga "Nukissiorfiit" allanngortinneqarpoq

[7] (Inatsisip allanngortinneqarnerani § 5 atorunnaarsinneqarpoq)

### **Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut